

昭華書畧

書  
號 92284  
函 12 册  
登錄號

海蒙之選  
華私全  
蒙之選  
私全

昭萍志畧序

自楚昭王渡江得萍實至今  
有萍實橋萍實里瑞應之符  
著在前載山水淋漓此接揚  
岐南濱塔嶺左肩羅嶽右臂徐  
仙洲擁金鰲川澂玉鑑洵稱神  
泉與區也然介於兩省當滇南

昭萍志畧

序

萍鄉尚志堂代印

蜀楚之衝為古今用兵必爭之地  
近數年來伏莽繁滋當道連  
歲動兵摧陷而廓清之撲而  
慮者相率歸耕秀而文者還  
鄉講藝魁壘者願之士如劉君  
葆齋則又於尋方雅綢羅舊尚  
循異日職方之采猶憶乙丑而

寅甫余領江西志局商聘後餘分  
纂屬稿未半戎馬生郊此事遂  
廢今乃退隱廬園竟前日未竟之  
志手標義例為昭萍志畧同序於  
余余謂士君子退老閒居守前人之  
緒以待來者不持齋乘滇畧蜀  
典黔書為私家著述即如吾孔子

昭萍志畧

序

萍鄉尚志堂代印

上之不得與周任史佚秉筆於王朝  
下之不得與南史董狐執簡於列國  
退而共游夏采百二十國寶書而作  
春秋亦猶是空文垂世而已志畧  
迄於迥清緣清以前典章制度大  
體相同昔黃君棣寫通志凡例  
仿禹碧格讀史句編以十年為一

甫起於舊志所起訖於民國癸亥  
賢者好奇之過余所不取匡廬彭  
蠡之間其有纂修西江文獻者  
乎余將以斯義告之矣

鍾陵陳志誌拜撰

廿年八  
十有二



昭萍志畧

序

萍鄉尚志堂代印

昭萍志畧例言

一今之修邑志者動引國史爲例其實志與史有辨史主文志主事劉于潯南昌縣志序云史之要在簡而賅其文義例尙斷制志之體在詳而確其事實取備參稽楊護臨川志序云史善惡並書同昭彰瘴之公志則隱惡揚善此其小異也陳洪諫臨川志序云興亡治亂具於一代之史風俗民物詳於郡國之書蓋志之言記謂積記其事卽以備史家之裁擇也名儒通論畧見一斑特首先揭出俾秉筆者知所從事焉

一著書必先定名名與實必相副茲志係私修雖準官書範圍實卽私家著述將來編成付梓擬定名曰昭萍志畧免與官書喧

昭萍志略

卷首

例言

奪且不敢信所志能詳也胡氏修官書志題曰鹽乘引齊乘漢畧黔書蜀典及近時陳廷桂曆陽典錄吳汝綸深州風土記爲證賢者所見大畧相同非創例也

一編書起止具有意義吾茲志所爭異點不在於所起而在於所止蓋自清帝遜位政改共和五千年之帝制遽爾告終一切典章制度不相沿襲自難合併爲一清乾隆間修皇朝文具通攷初與續通攷共爲一編嗣以體例迥殊難於畫一遂命自開國以後自爲一書成例獻在斷代爲書不必引班氏爲先河也近人魏氏修南昌縣志序云迄宣統三年明詔遜位國內稱共和然後是書之制可得而裁也總前志之成別後來之創亮哉言

平實獲我心今訖清末而止上結帝制之終下開民國之始因時制宜愜心貴當查近年湖北所修通志及各縣新修縣志亦多沿此爲例泰山可移此案殆不可改也

一鄭夾漈云古之學者左圖右書不可偏廢圖成經書成緯卽圖而求易卽書而求難樊樊山云古之地志亦稱圖經則圖又全書之眉目矣蓋圖以象形書以紀事往往事有千百言不能盡解得一圖而了然者故地志尤以圖爲主要晉裴秀製禹貢地域圖後儒推爲獨得要眇巧思絕倫然其圖不傳以專精者少遂成絕技爾攷從前各志所載諸圖率多苟簡不足以傳真象今測繪學發達突過於前模山範水追踪鄒李應選擇專家繪

## 昭萍志略

### 卷首

### 例言

### 一一

爲精密之圖俾新耳目而資參攷舊志僅載輿圖一幅未免大簡茲定爲縣境總圖一六區分圖各一自治區域圖一此外則公廨學宮鼇州各爲一圖彙標卷首俾便觀覽其餘舊志所載概從刪削

一方志爲地理專書輿地其始基矣地承乎天首列星象原屬志家通例惟語涉玄虛傳言黃帝分星孔穎達曰周禮雖有分星不知其分孰分之也分野之說訖無準衡謝氏廣西通志以劉知幾嘗論史家不當以天文作志乃一隅小乘每喜侈陳甚至蠻夷村鎮亦詳分野是亦可以已矣熱河志刪星野之談天測斗極之出地最爲有識查各志所載多係遵照舊文胡氏鹽乘

則以歷代史書所紀證之周禮春秋內外傳亦時有難合者遂  
並從畧吾邑舊志亦以天人徵應理有可憑度數相懸人各異  
說採擇從簡留備占候者決擇且後世推步密於前人新法既  
行分野星辰久置不道茲存而不論未敢妄贊一辭俟天文家  
審定可也萍鄉置縣始自孫吳自是以來歷代郡縣分併變更  
沿革不一最爲糾紛戴東原謂地理志沿革不明則山川人物  
無一不誤識者推爲確論舊志沿革別爲一表分注統部屬部  
係仿通志例只好遵照彙編俾歸簡便舊志所紀疆域詳四至  
八利之廣輪附以鄉里簡而不漏然市鎮卽鄉里繁盛之區自  
應連類而書惟疆域有時變更山川終古不易禹貢九州皆以

## 昭萍志略

卷首

例言

三

山川定其經畧吾邑武功楊岐崇高險峻萍瀘二水東西分流  
實爲疆域固定之基而關隘卽山川之險要周禮職方外有山  
師川師而掌九州之圖又有司險之官是相因而至者古蹟天  
成者多其人造者亦擇地方形勝之區設之附誌於此俾談地  
理者兼覽名勝而凡名人題詠碑志亦附誌於下尤足使流覽  
者增興趣焉是爲輿地志

一地不過龐然一大塊質耳草昧昏蒙開拓合憑人事傳言蒙犯  
霜露披荆斬棘又曰華路籃縷以啟山林開疆闢地振古于茲  
至書之卜洛卽公廡之權輿也詩之作廟卽壇廟之嚆矢也萍  
鄉城池公署迭經建修成成都成集街巷駢連遂開爲四通八達

之區近日地密人稠增置者又將及三分之一壇廟或係公修或由眾建分別載明藉知輕重以言水利則陂塘之數所宜詳也以語交通則津梁之造所宜紀也而鐵路郵電尤爲特別之建設所當注意者陸氏靈壽志不載寺觀意在闢佛但古今地志例記伽藍似不必疾之過甚吾邑寺觀林立多係彼教中修造亦有募化所置者半在深山窮谷之中點綴山水亦足生色地方人士或借爲學舍或權作公所諸得其便不獨騷人墨客流連吟詠足以暢叙幽情也近日潮流所趨主毀廢者雖多主保存者亦復不少仍照舊登記勿使向隅至坊表以示褒旌舊志所錄多已傾塌然不得不存其名榮墓以崇先達除舊志所

## 昭萍志略

卷首

例言

四

載外新增者應加斟酌必五品以上實官德望素孚葬地永定者方予登載以示限制是爲營建志

一國家所重者土地土地所賴者人民不有居民土於何有鄼樵通志首著氏族畧通儒卓識曠絕千古柳芳氏族論本原推論言之綦詳樂氏寰宇記載州郡大姓隋書經籍志有洪州諸姓譜九卷吉州諸姓譜八卷江州諸姓譜十一卷袁州諸姓譜八卷氏族之見諸志傳目錄具在惜其書已亡不復可考爾歷代修地志者多闕氏族吾省通志亦然此係前人疏忽之處無可諱言往歲通志局議決增入眾論僉同不止三占從二已也查近今各縣所修新志已有增輯者惟填注之法不得不加研究

據柳氏所論有右姓郡姓之分甲姓乙姓丙姓丁姓之等大都皆以門第爲重而其後又標四孔之說歸本於救之以忠忠厚則鄉黨之行修鄉黨之行修則人物之道長人物之道長則冠冕之緒崇冠冕之緒崇則教化之風美猗歟至矣然此非易易幾也龔定龕徽州府志氏族表則以得三十世以上者爲甲姓得三十世者爲乙族得二十世者爲丙族並別標貴貴賢賢之例魏斯逸南昌縣志則編姓以韻書爲次第化去成心亦從史姓韻編之法書法不同各具意義鄙意尙不盡然惟胡氏鹽乘則以八鄉爲根蒂就各鄉界分大小族最爲允愜吾邑十鄉舊界經自治分區而後已多混亂鄉俗原有土著之說茲卽準爲

## 昭萍志略

卷首

例言

五

例照分城區東南北大西小西固定區域就各區族姓戶口多寡照世族大家畧分次第而中次之戶以類相從既不持古昔門閥之見亦免同近日編戶之冊事屬創始自我爲政庶宜於今而不戾於古歟且自有此舉按籍而稽地段之繁簡門戶之盛衰皆於此得其概掌邦政者可不下堂而理矣是爲氏族志一洪範八政一曰食二曰貨班固據此作食貨志後世多因之食爲民所資則戶口其要領也貨以稅爲重則田賦其先務也吾邑舊志同治年間所載丁口共貳拾壹萬伍千有奇與嘉慶間比較所增不過貳千之數大抵皆依戶口冊報所編未必確得實數自光緒間工商發達丁口驟增人稠地密突過於前閱坊

開報載各縣人口一覽表萍人在四十萬之譜究亦未必確是實數目也茲算至清宣統止祇好仍就該年編戶清冊計算相差約不甚遠耳出賦自計畝定征清代輕徭薄賦減除前明苛歛吾邑自清汰浮糧案定民困始甦嗣康熙二十四年奉旨準以額糧折銀歸入地丁併納改留本省充餉漕米亦改兵折如例尤屬特恩二百餘年以來幾忘帝力何有每誦風詩賦碩鼠而末由他適詠蓂楚而咸樂無知政煩賦重民有不堪其苦者乃歎深仁厚澤爲不可及也且逢慶典則有豁免遇偏災則議蠲緩屯運可供軍食並不籌餉于民湛恩稠疊罄竹難書已至倉儲者凶荒之所備也吾邑除原有常平等倉外經王前縣檄

昭萍志略

卷首

例言

六

辦義倉合一百八畝同時並舉幾無無倉之社至今利賴物產者日用之所需也與財貨關係甚鉅舊志編入地理似不盡合今改真茲卷加以注釋如五谷之種類宜於何土備書以志民食之重而動植品類可供蔬菜可備藥劑者照本草詮釋俾資查攷而近日所發達者尤在礦物安源一礦幾冠行省此尤當特別詳注縷述開辦原委者陶業近亦改良製造設立公司矣此外茶油表紙苧布竹爆等類亦出產之大者合併記載是爲食貨志

一國家設官凡以爲民令長治民之官也師儒教民之官也營弁衛民官之也三者闕一不足以保邦萍官制前無所攷自晉迄

元曰令長曰制置使曰知縣事縣丞主簿縣尉知州州同知教授舊志所載猶可得其概畧明設知縣儒學縣丞主簿巡檢典史清制與同而另設把總爲城守營於是知縣掌邦政而巡檢典史屬焉儒學掌邦教而教諭訓導司馬把總掌城坊而外委附焉至光緒末年改行憲政文武官吏多所裁撤變法圖治是或一道也惟官師職名自應詳記往昔舊例僅載實授不載署代殊多罣漏近代慣例用人之權操于督撫動云調劑往往有補缺數年不會到任者有署代一二年而治績炳然者政有其蹟官無其名其何以爲徵信哉吾舊志嘉道以後詳爲補載可謂先得我心茲如法填注至居官者貪廉不一寬猛互殊事迹

## 昭萍志略

卷首

例言

七

昭著難逃口碑舊志紀傳另標名宦但名宦應列入祀典非可任意私許謝氏廣西通志力爲明辨茲改稱政績二字而以其傳移載於后俾前列其名後紀其實便於稽攷卽當公評而片無可稱述者則存而不論可也查清末曾設巡道同知二職非縣所可統屬附于沿革之末亦猶前例也是爲官師志

一學校爲造士之區吾邑遵照定制立學宮中建聖廟春秋致祭宮廟不入建寘祭儀不入祀典以示特照尊崇之意士林雖之惟禮節樂器載在會典率土通行非一邑獨舉之典禮照廣西通志例不復噴載以節繁冗而學署卽附於其旁設立學官以廩增附生充之爲之學田以養之嗣因修脯歉薄儒官不足養

廉復設樂英樂泮各莊廣寅田租隆禮尊師而卒無補於教育  
學官不過執其冊籍爲考試選舉之備而已於是圖濟學校之  
窮而書院以興除官立鰲洲歸有司月課外各鄉鎮之私立者  
嚮風恐後貧窶志士藉得膏火之助殷殷嚮學而科第亦雲蒸  
霞蔚已迨至光緒甲午以後京師議設大學堂各行省州縣漸  
有效法興起者未幾詔停科舉而天下之書院乃盡改爲學堂  
易其規制不得復存書院之名而鄉村義塾亦接踵如林幾于  
黨有庠州有序矣創辦未久美種蕪稗不能預決然種麻種豆  
必有所得姑稍待以觀後效可也是爲學校志

一兵可百年不用不可一日不備萍雖蕞爾邑然爲贛西邊陲禦

## 昭萍志略

卷首

例言

八

侮防邊悉關扼要向有城守營設分防把總嗣又添設協防外  
委藉作干城自順治定鼎後迭遭兵燹至康熙十七年大定咸  
豐間粵賊陷城至同治四年肅清光緒壬辰丙午兩次會匪倡  
亂騷擾鄉間幸不久平復二百餘年以來兵革屢見防禦得全  
營兵與有力焉光緒年間令將城守營兵一律裁撤保障一空  
宣統辛亥革命軍起土匪乘機四出劫掠戰守無具賊獮兵薙  
殺人如麻民不聊生不知兵禍之伊于胡底矣是爲武備志

一選舉之法歷代各殊自唐重科舉迄今千有餘年雖科目不同  
而取士無異名公鉅卿由此其選簡牘具存彰彰日目歐陽公  
言非科舉能得人材人材由科舉出耳亮哉言乎吾萍科名燁

聯鵠起至光緒季年更軼前代而上之濟濟祁祁極一時之盛事丙午奉詔停止科舉改辦學堂其已經進取者予以出身舉貢調選或保送會考生員攷職而又選擇高材異等者咨送外洋留學藉吸外國之文化以救中國之腐窳故有謂學堂不興人材不出者卽有謂科舉不廢學堂決難發達者今選舉變法首重議員其法似做鄉舉里選而無三物之興似準州郡中正而無九品之別選民計口百弊叢生流爲賄選騰笑外人卒之所得之人流品混雜韓羞噲伍以彼較此孰得孰失必有能辨之者連類並書俾論取士者知所裁擇焉是爲選舉志

一仕宦出身不一其途賢卽任子古有其名保舉捐納後尤滋甚

爛羊頭關內侯灶下養中卽將在漢已然自範於科舉定爲正途人員凡由各班進階者皆別爲雜途由雜途入者惟保舉捐納兩班最多保舉以功而冒他人之功以登薦牘在所多有瞻徇請託不顧其材之良窳而吏治一壞此其咎在大吏捐納以利凡助餉助賑援例以賞財報効者予以相當之秩職亦所應爾惟既懷利以相接欲其确守官箴難矣而吏治又一壞此其咎在國家故論弊政者每大息于鬻官一節實爲有清之累也末年停止捐納而國事已不可救藥矣然懿攷史冊異途人員洊升封圻方面懋著勛勞者亦大有人在未得以闕冗貪污概之也吾邑人文蔚起士競功名逐隊觀光魁碩輩出除前志所

載照舊登錄外庚午以後必實官領憑分發到省已得差缺者方予登載以杜冒濫蓋此項功名往往有圖列摺紳藉增光寵而並無爲國効力思想者至封贈以迪前光廕襲以庇後裔例得備書鄉飲一班先王所爲養老乞言并非以官人也且有名無實前列選舉似爲不合並附於後而百齡上壽五世同堂者亦連類著焉是爲仕籍志

一志傳人物體仿歷史然史主褒貶志則揚善隱惡故傳雖同而所以傳者有異近世修志者每沿史例標爲名臣名宦儒林文苑各名目究其所列未必盡得其當就萍志論劉宮保列入儒林獨不可列入文苑乎且論其風節勛績卽列入名臣亦當無

## 昭萍志略

卷首

例言

十

愧謝蘊山廣西通志引華陽國志所載士女人以年次傳不分名此地志之正軌也近世志家每仿史家標題名目核之名實之間亦豈盡能相副又鄉賢名宦皆一方俎豆之稱例當定自朝廷非志乘所敢私許胡氏鹽乘係遵照此辦法吾省舊修通志亦同茲定除名宦已改稱政績列入官師志後其餘一切名目概行刪削通稱列傳以類相從較爲妥協孝友忠義烈女節婦經申報旌表者自應登錄或年例合格由地方證明者亦許彙載節婦書法必以某氏冠首繼書某人妻特昭尊重善其夫早天守志乃孀婦自主之權準情酌理必如此乃名正言順非有所壓也且查舊志所載上壽五代均以某氏冠首獨于節婦

而抑之亦覺自相矛盾已方伎寓賢仙釋亦照錄以備查攷是爲人物志

一藝文志昉自班書地志之載藝文則自宋孝王關中風俗志始然皆標舉書目非後世撰志者以詩文充之累牘連篇東鱗西爪徒鬥靡而夸多實望一而漏萬致乖撰著體裁舊志且以詩文首列書目附後喧賓奪主尤失之遠矣范成大吳郡志以詩文分注各條之下其例最善江西通志及近人所撰新志多仿行之茲沿其例惟清乾隆間萬廷蘭修南昌縣志別編南昌文錄則仿各志文徵詩徵之例並仿蕭選廣爲蒐輯俾閩邑之風流文采畧見一斑制藝雖無當著作然代聖賢立言理精義正

## 昭萍志略

卷首

例言

十一

并有足羽翼經傳者是文章之別一體卽一代之大掌故凡已出版行世者亦存其目以見一時風尚是爲藝文志

一民間風俗隨土地爲轉移語云山東之人質江左之人文關中之人雄代北之人武吾邑毗連湘省習俗多與楚近隋地理志言君子善居室小人勤稼穡其大較也凡禮制載在會典者惟士大夫尙能遵行然亦間從俗從宜冠禮久廢士庶之家所行昏嫁喪禮大率稱家有無以爲豐殺爾祭禮多係合族建祠每歲一二次舉行各有祭會品物從豐足見民德之厚茲就其習慣畧誌之氣候則水土和平四時寒暑最得其正農家占驗確無差忒祥異之說沿漢人曲說頗多謬戾然鄭志災祥畧馬考

物異攷亦有紀載仍照登錄藉爲休咎之徵其所載軼說有足傳述者除言不雅馴爲搢紳先生所難言者刪除外錄作軼說易曰雜而不越大史公曰其軼乃時時見於他說亦采問風俗者所樂聞歟是爲風土志

一凡作志者例於篇之首弁以小序亦猶子夏之序詩也而後人遂有變作四言韻語者徒獵浮華羌無故實意竊不取武功志作序一篇以括全書謝蘊山廣西志遂師其意分門析類於序例不更爲小序其有當攷証者各附於本條之下直截了當觀者了然茲編所列各條大旨業已標明無庸累曠遵照二志之例以歸簡潔

## 昭萍志略

卷首

例言

十二

一綜上大綱十二子目六十有八修書統紀皆具於是鄭漁仲之言曰作書猶治軍也若有條理雖多而治若無條理雖寡而勞茲庶其免于勞歟又歐陽公作五代史成自言極有義數須要好人商量茲例所述待商量者尙多倘得博物君子不我遐棄逐條審核藉匡不逮毋貽當世羞而爲後賢所指摘斯至幸焉  
附條

一向例書寫體式凡關本朝者皆稱國朝頂格抬寫廟諱敬避以昭尊敬然孔聖周人凡論語所載皆直稱周並無異辭茲成書之年去清帝遜位已久書中卽直稱清一切抬頭避諱之例概行取締免生糾葛而占篇幅

一書係私著本可仿鹽乘等類任意去取刪除繁冗惟念吾萍舊志所存無幾恐將來修志無從稽攷因不憚煩瑣凡原志所已載者概行登錄藉作修志張本康對山武功志屢經續修其原書一字不易論者稱善茲猶斯志

一校書如掃落葉訛字苦難剔盡初擬作正誤表因手續大煩且一字之誤動勞翻閱對勘亦殊未便改用紅梓標于本字之傍俾覽者一目了然其有未經查出者請隨筆更正可也

一志事之詳畧全視徵訪爲斷此次徵訪之難厥有數端職官賦稅軍事等件凡關於政治者原以公署檔冊爲憑茲查縣署案卷自被匪蹂躪而後概遭焚燬迄無存者書空咄咄一難也地

昭萍志略

卷首

例言

十二

方不靖交通阻碍流離轉徙民靡定處往往有闕其無人望蓋而返者二難也氏族一門係屬創舉向無底冊大族世家固可僂數餘或譜牒不具或鄉愚畏事多疑匿譜不出且返唇相稽者三難也事屬私辦欵項支絀不能分派多人朝秦暮楚虛耗路費四難也茲自發起以來層今一載彙集所得約有七八成之譜會同合編不能擱筆久待如有未齊全者由各戶騰稿送來候作補編決不聽其向隅特此聲明幸各注意勿再貽悞或天假之年周咨博訪重加釐訂俾增完善再次出版以謝邦人而告來世尤所至願爾